



Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 45. Oratio Juliani Cardinalis ad Bohemos.

[urn:nbn:de:hbz:466:1-66426](#)

quoque eandem fidem, eandemque sententiam amplecterentur. Bohemi, cum aliquamdiū de hoc remedio deliberarent, inquietabant, hæc via minus apta est pro consequenda unione, nisi saltem prius circa quatuor illos articulos nos vobiscum, ac vos nobiscum sentiatis. Alioquin nosmetipos omnium ludibrio exponeremus, si jam uniti, rursus in articulorum decisione discreparemus. Ad hæc responsum est a nonnullis, si vere ac sincero animo juncti estis, facile circa reliqua unanimis sequetur sententia. Verum, inquit Aeneas Sylvius, surdis fabula canebaratur, quia tres illi Deputati, qui postremos tres articulos propugnabant, adversum responsiones datas pertinaciter disputabant.

Hist. Bohem.

c. 50.

§. XLV.

Oratio Cardinalis Juliani ad Bohemos.

Quapropter Cardinalis Julianus Conci- Labbe Conc.
lii Præses orationem habuit ad Bo- to. 12. p. 894.
hemos, in qua eosdem hunc in modum
allocutus est: *Proposuisti proximis diebus
quatuor articulos, sed audimus præter hos
multa vos alia habere dogmata peregrina,
in quibus a nobis Catholicis dissentitis.
Magister enim Wenceslaus allegavit inter a-
lia, Joannem Wiclefum Evangelicum Do-*
Hist. Eccles. Tom. XXVII F. Æorem,

Sæcul. XV.
A.C. 1433

Storem, si illum creditis esse Evangelicum, inquit Cardinalis, consequens est, ut dicta ejus authentica reputetis: si vero non ita putatis, æquum esset, ut hoc nobis innotescat. De iis igitur rogamus vos, ut nos certificari velitis, quid credatis, & ad singulos articulos nobis respondeatis per verbum, credimus, aut non credimus, & confessim vobis respondebimus, parati enim sumus unicuique poscenti reddere rationem. Ad hæc Bohemorum Deputati responderunt, venisse tantum, ut quatuor illos articulos proponerent, non tam suo, quam publico totius regni Bohemici nomine; nec pluribus se explicarunt. Quare Synodus intelligens quod Bohemi cuncta pacis consilia rejicerent, atque omnino discedere cogitarent, illis etiam abeundi copiam esse concedendam statuit, adjecta tamen solemnis Legatione, quæ Pragæ ad sacratissimæ Triadis festum, quo die septima Junii e-jusdem anni Pragensis populus convenit ageret, & ipsa interveniret.

§. XLVI.
Deputati Synodales Pragam profecti.

Itaque Legati isti die decima quarta Aprilis Basilea abeunt. Erant vero numero decem, nimirum, Philibertus Constantiæ in Normannia Episcopus; Petrus